



partii naleraq

UKA 2017/065-01

12-10-2017

Kommunit inatsimmi peqqussutaasut naapertorlugit pisortat ikiorsiissutinik tunniussinerminnut atatillugu qanoq annertutigisumik ikiorsiissutit aningaasannagornagit tunniussisarnersut misissoqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut. Misissuineranut atatillugu aamma innersuussutinik saqqummiusseqqunneqarput inatsisitigut qanoq pitsaanerpaamik kusanarnerpaamillu qularnaarneqarsinnaanersoq, atisassat aamma allat meeqqat pisariaqartitaat eqqarsaatigalugit angajoqqaat kiisalu allat meeqqanut angerlarsimasunut isumassuisut qulakkeerisalernissaat siunertaralugu.

(Inatsisartunut ilaasortaq Nivi Olsen, Demokraatit)

Inatsisartunut ilaasortap Nivi Olsenip, Demokraatineersup Kommunit inatsimmi peqqussutaasut naapertorlugit pisortat ikiorsiissutinik tunniussinerminnut atatillugu qanoq annertutigisumik ikiorsiissutit aningaasannagornagit tunniussisarnersut misissoqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuutaa Partii Naleraq sinnerlugu imannak oqaaseqarfigissuarput:

Siullermik qujanaq Nivi Olsen siunnersuummut soqutiginantumut aamma ammasumik oqallisigissallugu pisariaqartumut.

Soorlu siunnersuutivit tunngavilersornerani ilaatigut pisortanit ikiorsiissutit pillugit Inatsisartut peqqussutaat nalunaarullu tassunga tunngasoq issuaaffiginerini takutikkiq ilumut kommunit ikiorsiissutinik tunniussisarnermi periarfissaqartut, pisortanit ikiorsiissutit atonerlunneqarpata, taakku aningaasannagornagit akiliussinikkulluunniit tunniunneqarsinnaasut.

Apeqqutaaginnarporli ilumut kommunit tamarmik periarfissamik taamaattumik atuisarnersut aamma qanoq ?

Tassami miserrattissaanngilluinnarpoq aamma arajutsisimaneqanngilaq ikiorsiissutit meeqqanullu tapit tunniunneqaraangata aningaasat tunniunneqartut ilarpassui imigassamut qularnanngitsumillu aamma ikiaroorartumik atorneqartarmata. Soorunami ikiorsiissutinik pisartut meeqqallu tapiinik

pisartut tamarmik taamaangillat, kisianni kialluunniit takunngitsuusaarsinnaangilaa;
ikiorsiissutinik meeqqallu tapiinik tunniussisoqarsimatillugu erngunnersuaq malunnartumik
takussaasarpoq.

Tamatta nalunngilluinnarparput meerarpassuit imigassamik ikiaroorartumillu ajornartorsiuteqarneq
pissutigalugu tujormisinneqartartut allaallu kinguaassiuutitigut atonerlunneqartartut – meeqqallu
amerlavallaarujussuartut angerlarsimaffimmiit qimangutsinneqartartut.

Taamaattumik qanoq iliuuseqarnissarput susassaqtut tamaasa peqataatillugit piaarnerpaamik
ingerlanneqartariaqartoq pisariaqarpoq, taamaamat siunnersuutip
aappassaanneerneaqqinnerani ataatsimiititaliami susassaqtumi sukumiisumik suliarineqarnissaa
inassutingaarput.

Anthon Frederiksen